

Pineqartoq: Erniat minnerpaaffissaannik malittarisassaq

Imai:

- A. Aallarniutaasumik oqaaseqaatit imm. 1-4
- B. Inuit malittarisassani pineqartut akileraartussaataitasut imm. 5-6
- C. Pisassarisat ilaatinneqartut imm. 7-12
- D. Pisassarisat ilaatinneqanngitsut imm. 13
- E. Erniat minnerpaaffissaat imm. 14-16
- F. Piffissaq akiligassallip pissussaaffimmik tigusiffia
(piffissaq pilersitsiviusoq) imm. 17-21
- G. Erniat minnerpaaffissaasa naatsorsorneqartarnerat imm. 22
- H. Pisassarisat ilaasa erniaasa minnerpaaffissaat imm. 23-25
- I. Iluanaarutit ajunaarutillu naatsorsorneqartarnerat imm. 26-29
- J. Atortuulersitsinermi ikaarsaariarnermilu aalajangersakkat imm. 30

A. Aallarniutaasumik oqaaseqaatit.

1. Aningaasarsianit akileraarutit pillugit Inatsisartut inatsisaata allannguutaani nr. 18-imi 3. november 1994-imeersumi § 1, nr. 3-kkut pisassarisanit iluanaarutit akileraartarnermut tunngatillugu suliarineqartarnerat pillugu malittarisassat atulersinneqarsimapput (§ 14 b). Tassuunakkut pisassarisanit niuffannermi erniaritinneqartartunut (erniat minnerpaaffissaanninngarnit) ikinnerusunik erniarlerlugit pilersinneqartartunit kursi aqutigalugu iluanaarutigineqartartut akileraarusersugaanerak eqqunneqarpoq. Malittarisassaq 4. oktober 1994-imi pisassarisanut tunniunneqartunut, akileneqartunut makinneqartulluunniit sunniuteqarpoq. Tamatum kingorna pisassarisanik pillugit ataatsimoortumik malittarisassaq eqqunneqarpoq, taamaalilluni iluanaarutit taakku aningaasarsiat akileraaruteqaataasussat naatsorsorneqarnerini ilanngunneqartalissallutik, pisassarisat allanneqarsimasutut ernialerneqarsimanngippata pisassarisat pilersinneqarnerisa nalaanni erniat minnerpaaffissaattut aalajangersarneqarsimasup amerlaqataanik amerlanerusunilluunniit.

Erniat minnerpaaffissaat aningaasatigut pisassarisanut pineqartunut tamanut ataatsimoorluni assigiissaaq. Erniat minnerpaaffissaat piffissanut januar-junimut aamma juli-decemberimut ukiup affakkaartumik Akileraartarnermi Pisorta qarfimmit aalajangersarneqartassaaq obligationit Københavns Fondsbørsimi nalunaarsorneqartut erseqqinnerusumik taaneqartut erniaasa agguaqatigiissinnerat tunngavigalugu.

2. Malittarisassat manna tikillugu atuuttut tunngavigalugit kursitigut iluanaarutit taamaattut inunnt akileraaruteqaataasussaasimanngillat, pisassarisat inuussutissarsiornermut imaluunniit iluanaaruteqarnissaq siunertaralugu pilersinneqarsimanngippata, takuuk akileraartarnermut inatsimmi § 24, imm. 1, nr. 2.

3. § 14 b-mi malittarisassat pisassarisanik taamaallaat atuupput.

4. Pisassarisanit iluanaarutit erniat minnerpaaffissaannik eqqortitsinngitsut pisinermi akiliutigineqartut aningaasanngortitsinerullu nalaani tunniussinermi akigitinneqartut nikingassutaatut naatsorsorneqartassapput. Ajunaarutit ilanngaatigineqarsinnaanngillat.

B. Inuit malittarisassani pineqartut akileraartussaataasut.

5. § 14 b, imm. 1 tunngavigalugu malittarisassaq akileraartarnermut inatsimmi § 1, imm. 1, nr. 1-imi aamma nr. 2-mi inunnut taaneqarsimasunuinnaq atuuppoq. Inuup ataqatigiinnermi allani inuussutissarsiorneq iluanaaruteqarnissaarluunniit siunertaralugu aningaasalerineq pisutigalugu akileraartussaataanera apeqqutaatinnagu malittarisassaq taanna atuuppoq, tak. § 14 b, imm. 5.

6. Ingerlatseqatigiiffiit il.il. § 14 b, imm. 1-imi pineqartunut ilaatinneqanngillat. Ingerlatseqatigiiffiit il.il. akileraartarnermut inatsimmi § 14, imm. 2 naapertorlugu pappiaqqanik aningaasanik nalilinnik iluanaarutiminnik ajunaarutiminnillu akileraartussaataasunut ilaatinneqa-reerput.

C. Pisassarisat ilaatinneqartut.

7. Pisassarisassani obligationit, pappiaqqat aningaasanik nalillit (statsgældsbeviser), pappiaqqat allat aningaasanik nalillit (skatkammerbeviser) aamma suliffeqarfiit akuerineqarnerinut uppersaait (virksomhedscertifikater) pingaartumik ilaatinneqarput. Kisianni § 14 b, imm. 2-mi taagorneqartut tamakkiisuunngillat, taamaattumillu pisassarisat taarsigassarsisup taarsigassarsisitsisumut tunniussai tamarmik tunngaviatigut pineqartunut ilaatinneqassapput, taarsigassarsisitsinerup ilusilerneqarnera imaappat taarsigassarsisitsisup iluanaarutai tamarmiusut ilaaluunniit kursitigut iluanaarutaasut. Tamanna taarsigassarsisoq aningaasalersuinikkut suliffeqarfiuppat, aningaasalersuinikkut ingerlatseqatigiiffiuppat inuussutissarsiutigaluguluunniit suliffeqarfiuppat aamma atuuppoq.

8. Obligationit tassaapput akiitsorneqarnermut uppersaait naalagaaffimmit, taarsigassarsisitsisartutut peqatigiiffinit il.il. pilersinneqartartut. Taakku tassaagajuttarput piffissami sivi-sunerusumi taarsersugassanngorlugit taarsigassarsiaritinneqartut. Pisassarisat taamaattut erniat minnerpaaffissaannik piumasaqaatinik aallaavittut eqqortitsisuusarput.

9. Pappiaqqat aningaasanik nalillit (statsgældsbeviser) taarsigassarsiat piffissami sivikinnerusumi taarsersugassatut taarsigassarsiaritinneqartunut matusissutissatut naalagaaffimmit pilersinneqartarput. Erniakitsuarsuusinnaasarpur, erniallu minnerpaaffissaanniit ikinnerusunik erniaqarsinnaasarlutik. Aningaasaliisup iluanaarutai tassaagajuttarput akiliinikkut/piffissap naanerani kursitigut iluanaarutaasut.

10. Pappiaqqat allat aningaasanik nalillit (skatkammerbeviser) tassaapput akiligassaqarnermut uppersaait taarsigassarsianut piffissami sivikitsumi taarsersorneqartussat matusissutissaattut naalagaaffiup pilersittagai. Erniaqanngillat. Aningaasaliisup iluanaarutai tassaapput akiliinikkut/piffissap naanerani kursitigut iluanaarutaasut.

11. Suliffeqarfiit akuerineqarnerinut uppersaait (virksomhedscertifikater = commercial papers) inuussutissarsiutitigut suliffeqarfinnit annerusunit pisassarisani atugassarititaasunut assingusunngorlugit pilersinneqartarput. Uppersaait taamaattut piffissami sivikitsumi taarsersuinissamut atorineqartarput erniakitsuullutillu, iluanaarutaallu tassaagajuttarlutik kursitigut iluanaarutaasut.

12. Imm. 7-mi taaneqartut § 14 b, imm. 2-mi taaneqartut tamakkiisuunngillat, tak. " il.il. ".

Taamaalilluni aalajangersakkami tassani pisassarisat taarsigassarsisumit taarsigassarsisitsisunut tunniunneqartut ilaatinneqarput, taarsigassarsisoq aningaasalersuinikkut suliffeqarfiuppat, aningaasalersuinikkut ingerlatseqatigiiffiuppat inuussutissarsiutitigulluunniit suliffeqarfiuppat taarsigassarsisitsisup iluanaarutai tamarmik taakkuluunniit ilaat kursitigut iluanaarutitigut pisarsiarineqarsimappata.

D. Pisassarisat ilaatinneqanngitsut.

13. Malittarisassaq pisassarisanut akiitsorluni pisinikkut, akissarsianit aningaasarsianillu pisarsarsiassanik qularnaveeqqusiilluni piffissamiluunniit sivikitsuararsuarmi taarsersorneqartus-sanik taarsigassarsinikkut pilersunut atuutinngilaq. Malittarisassaq obligationinut aktianngor-tinneqarsinnaasunut taakku aktianngortinneqarnerini aamma atuutinngilaq.

E. Erniat ikinnerpaaffissaat.

14. § 14 b, imm. 1 tunngavigalugu piumasaqaataavoq pisassarisat § 14 b, imm. 2-imi taaneqartut ilaatinneqartut erniassamittut allasimasut minnerpaamik ernialersugaassasut niuffaffimmi erniaritinneqartunut assingusunik, kursitigut iluanaarutit pisassaqaartumut akileraaruteqaataassanngippata, taamaattorli imm. 15 takuuk. Erniat minnerpaaffissaattut taaneqartoq niuffaffimmi erniaritinneqartut tunngavigalugit naatsorsorneqartassaaq, kingusinnerusukkut imm. 22-mi tunaartarisassat taaneqartut tunngavigalugit.

Erniat minnerpaaffissaannik pisassarisat eqqortitsimanissaanniik, taamalu akiligassaqaarfigineqartut taakku akileraarutaannginnissaanniik eqqortitsisuuneranni pingaaruteqartoq tassaa-voq akiligassaqaartup pisussaaffimmik tigusinerata nalaani erniat qanoq amerlassuseqarnerat. Piffissami tassani erniat minnerpaaffissaannik piumasaqaat pisassarisat eqqortippassuk kursitigut iluanaarutit akiitsoqarfiusumut pisassarisanillu kingusinnerusukkut tigusisinnaasunut akileraaruteqaataasussanngillat, taamaattorli imm. 15 takuuk.

Taamaalilluni § 14 b tunngavigalugu akileraarusersuinermi pisassarisat pilersinneqarnermik nalaani erniat minnerpaaffissaannit minnerusunit ernialimmut taamaallaat atuuppoq.

Pisassarisat erniat minnerpaaffissaannik piumasarisanik eqqortitsinngippata kursitigut iluanaarutit tamarmik akileraaruteqaataassapput, pisassarisat tamakkiisumik ilaannakortumilluunniit tunniunneqarnerat akilernerqarneralluunniit apeqqutaatinnagu.

Tamatuma kingunerisaanik pisassarisat akileraaruteqaataasussaanngitsutut akileraaruteqaataasussatulluunniit taaneqartut ingerlanneqarsinnaapput. Taakku sunniutaat imm. 15-imi 16-imi-lu atuarneqarsinnaapput.

Inuit akileraartussaataasut, pisassarisanik § 24, imm. 1, nr. 2-mi malittarisassami taaneqartunut inuussutissarsiorneq aningaasatigulluunniit iluanaaruteqarnissaq siunertaralugu siusinnerusukkut pilersitsisimasut pisassarisaallu § 14 b-mi erniat minnerpaaffissaannik piumasaqaataasunik eqqortitsinngitsut § 14 b-mi aamma ilaatinneqarput, taamaattumillu iluanaarutaat akileraaruserneqartussaallutik, ajunaarutaalli ilanngaatigineqarsinnaanatik, tak. § 14 b, imm. 5.

15. Pilersitsinerup nalaani erniat minnerpaaffissaannik piumasaqaat eqqortinneqarsimappat pisassarisat taamaalillutik pisassarisatut akileraaruteqaataasussaanngitsutut taaneqassapput. Tamatuma kingunerisaanik kursitigut iluanaarutit akiligassaqaarfiusup sukkulluunniit akileraaruteqaatigissanngilai, inuussutissarsiorneq iluanaaruteqarnissarlunniit siunertaralugu aningaasalerineq tamatumani pineqanngippat. Taamaalilluni pisassarisat erniat minnerpaaffissaannut piumasaqaatinut kingusinnerusukkut aningaasanngortinneqarpata akileraaruteqaataasussaannginnerat atatiinnarneqassaaq, kursitigullu iluanaarutit soorunalimi akiligassaqaarfiusumut nutaamut aamma akileraaruteqaataasussanngillat. Pisassarisat pilersinneqarnerminni

akileraaruteqaataasussaangippata taamatut isigineqarnerat taamaalilluni atatiinnarneqassaaq.

16. Pisassarisat pilersinneqarnerisa nalaani erniat minnerpaaffissaannik piunasaqaammik eqqortitsinngippata pisassarisat taamaalillutik pisassarisatut akileraaruteqaataasussatut taaneqasapput. Tamatuma kingunerisaanik kursitigut iluanaarutit akiligassaqaarfiusup sukkulluunniit akileraaruteqaatigissavai. Taamaalilluni pisassarisat erniat minnerpaaffissaannut piunasaqaatitut kingusunnerusukkut eqquutitsilersinnaanerata pingaaruteqaangilaq. Pisassarisat akileraaruteqaataasussat kingusinnerusukkut aningaasanngortinneqarpata akileraaruteqaataasussaanerat atatiinnarneqassaaq, kursitigut iluanaarutit soorunalimi akiligassaqaarfiulersumut nutaamut aamma akileraaruteqaataasussaapput. Pisassarisat pilersinneqarnerminni akileraaruteqaataasussaappata taamatut isigineqarnerat taamaalilluni atatiinnarneqassaaq.

Pisassarisanit akileraartussaataainganneq aamma akileraartussaataaneq kursit iluanaarutaasinnaaneranunut taamaallaat atuuppoq. Erniat isertitat sugaluilluunniit tamatigut akileraaruteqaataasussaapput.

F. Piffissaq akiligassallip pisussaaffimmik tigusiffia (piffissaq pilersitsiviusoq).

17. Siuliani taaneqartutut aningaasat pisassarisat akileraaruteqaataasussaangitsutut akileraaruteqaataasussalluunniit isigineqarneranni pingaaruteqartoq tassaavoq aningaasanik pisassarisat piffissami pilersinneqarfiisa nalaani erniaasa qanoq amerlassuseqarnerat. Taamaattumik piffissap pilersitsiviusup pisassarisanut assigiinngitsunut qanoq sunniuteqarnera erseqqissasallugu pisariaqarpoq.

Aningaasanik pisassarisat tassaagajuttarput obligationit pappiaqqanik aningaasanik nalilinnik nalunaarsuiffimmi nalunaarsorneqarsimasut. Matumani pineqartut tassaasinnaapput naalagaaffiup obligationiutai, pappiaqqat aningaasanik nalillit (statsgældsbeviser), pappiaqqat allat aningaasanik nalillit (skatkammerbeviser), taarsigassarsisitsisarfiit obligationiutaat obligationillu allat.

Naalagaaffiup obligationiutai pappiaqqallu aningaasanik nalillit (statsgældsbeviser) eqqarsaatigalugit akiligassaqaartup piffissaq pisussaaffimmik tigusiffia (piffissaq pilersitsiviusoq) tassaavoq piffissaq Nationalbankip Aningaasaqarnermut Ministeriaqarfimmit (Finansministeriaqarfimmit) obligationinik taakkuninnga pisiffia.

Taarsigassarsiniartarfimmit taarsigassarsinermi taarsigassarsisup (akiitsoqalersup) piffissaq pisussaaffimmik tigusiffia tassaavoq piffissaq taarsigassarsisitsisarfiup obligationinik pilersitsiffia, tassa imaappoq obligationit pappiaqqanik aningaasanik nalilinnik nalunaarsuiffimmi taarsigassarsisup kontoanut nuunneqarfiat.

18. Taamaattorli akiligassaqaartup ulloq pisussaaffimmik tigusiffia pisuni marlunni siuartinneqartarpoq:

Akiitsoqartup (taarsigassarsisup) piffissaq pisussaaffimmik tigusiffia piffissamut taarsigassarsisitsisarfiup taarsigassarsiaritinneqartussatut neqeroorutigineqartut atsiorneqarsimallutik qinuteqaatip ullormi tiguneqarfiannut siuartinneqassaaq.

Akiitsoqartup (taarsigassarsisup) piffissaq pisussaaffimmik tigusiffia ullormut taarsigassarsisup aningaasaateqarfiullu taassumaluunniit assigisaata kursit pillugit ullormut isumaqatigiissuteqarfigisaannut aamma siunertinneqartassaaq.

Kursit pillugit isumaqatigiissut tassaatinneqarpoq taarsigassarsisitsisarfik aqqutigalugu taarsigassarsiarineqartut nutaat kingusinnerusukkut tunniunneqartussat siunissami taarsersorneqar-nissaasa qulakkeerneqarnissaat siunertaralugu isumaqatigiissutigineqartoq.

Kursit pillugit isumaqatigiissuteqartoqarpat akiitsoqartup (taarsigassarsisup) ulloq pisussaaffimmik tigusiffia piffissatut taarsigassarsisitsisarfiup kursit pillugit isumaqatigiissummik ulloq uppersaavigisaanit pilersutut isigineqassaaq.

Kursit pillugit isumaqatigiissutip atuuffissaa sivitsorneqarpat tamanna nutaamik isumaqatigiissuteqarnertut isigineqassaaq. Taamaalilluni nutaamik isumaqatigiissuteqarnerup nalaani erniat minnerpaaffissaat eqqortinneqarsimassaaq, pisassaqtartup kursitigut iluanaarutinit akilerartusersorneqarnissaa pinngitsoortinneqassapat.

Taamaattorli oqaatigineqassaaq taarsigassarsisitsisarfiit obligationinik erniat minnerpaaffissaanit minnerusunik ernialinnik pilersitsigajunngimmata.

19. Taarsigassarsisitsisarfiit obligationiutaasa saniatigut obligationit allat pisussaaffigineqalersarnerat tassaavoq ulloq obligationit pappiaqqanik aningaasanik nalilinnik nalunaarsuiffimmut nuunneqarfiat.

20. Pisassarisat allat eqqarsaatigalugit ulloq isumaqatigiissuteqarfiusoq tassaasarpoq akilgasqartup pisussaaffimmik tigusiffiatut isigineqartoq.

21. Piffissaq pilersitsiviusup erniat minnerpaaffiannik eqqortitsisuuneranik aalangiinermi pisassarisat pappiaqqmi qanoq amerlatigisunik erniaqartiaanissaat kisiat isigissallugu naamma-neq ajorpoq. Pisassarisammi erniaat akilerneqarnissaminni aningaasartaanut sanilliullugu naatsorsorneqartussaavoq, taamaalilluni erniat amerlassusiattut allassimasup pisassarisat akilerneqarnissaanni aningaasartaanut sanilliullugit erniarpiaasimasut assigissallugit. Erniat ikinerpaamik ataasiarluni ukiumoortumik ernialiisarneq tunngavigissavaat. Tamanna assersuutikkut ugguuna takunneqarsinnaavoq:

Assersuut 1

Pilersitsinerup nalaani erniat minnerpaaffissaat 7%-iussasoq naatsoruutigineqarpoq. Pisassarisat 10.000 kr.-nik aningaasartallit 9%-imik erniaqartussatut allallugit pilersinneqarput. Isumaqatigiissutigineqarpoq akiligassallip pisassarisat utertillugit akilerunigit 15.000 kr. akiliutigissagai. Taamaalilluni erniarpiaasut imatut naatsorsorneqarsinnaalerput:

Erniat : 10.000 kr.-nit 9%-iat = 900 kr.

Erniarpiaasut tassaapput $(900/15.000) \times 1000 = 6\%$

Taamaalillutik pisassarisat erniaasa erniat minnerpaaffissaat eqqortissimangilaa, taamaattumillu kursitigut iluanaarut akiligassaqarfiusup akileraaruteqaatigissallugu.

G. Erniat minnerpaaffissaasa naatsorsorneqartarnerat.

22. Erniat minnerpaaffissaat Akileraartarnermi Pisortaqaarfimmit aalajangersarneqartarpoq, tak. § 14 b, imm. 3. Erniat minnerpaaffissaat ukiup affakkaartunut januar-junimut aamma juli-decemberimut nalinginnaasumik aalajangersarneqartarpoq.

Erniat minnerpaaffissaat Københavns Fondsbørsimi aningaasanik niuffannermi erniaritinneqartut tunngavigalugit aalajangersarneqartarpoq.

Aningaasanik niuffannermi erniat annertuumik allannguuteqarpata erniat minnerpaaffiat allannguutip taassuma annertoqataanik aamma allanngusaaq.

Pisassarisat inatsisip akuerineqarnera sioqqullugu pissarsiarineqarsimasut kiisalu pisassarisat 4.

oktoberimiit 31. december 1994-imut pissarsiarineqarsimasut eqqarsaatigalugit taakku erniaasa minnerpaaffissaat ukiumut 5%-imut aalajangersarneqarsimavoq. 1. januarimiit 30. juni 1995-imut pisassarisat eqqarsaatigalugit taakku erniaasa minnerpaaffissaat ukiumut 7%-imut aalajangersarneqarsimavoq, tak. Akileraartarnermi Pisortaqarfiup nalunaarutaa nr. 326, 23. december 1994-imeersoq.

H. Pisassarisat ilaasa erniaasa minnerpaaffissaat.

23. Pisassarisat allanngorartunik ernialersorneqartut eqqarsaatigalugit § 14 b-mi malittarisasat aamma atuupput. Piffissami pilersitsinerup nalaani pisassarisat erniaat akilerneqarnerminni akiliutigineqartunut sanilliullugit naatsorneqarsimasut akiligassaqaarfiusumut kursitigut iluanaarutit akileraaruteqaataassanngippata erniat minnerpaaffissaannik piumasqaataasunik eqqortitsisimassapput. Pilersitsinerup kingorna kursitigut iluanaarutit akileraaruteqaataassanngippata piumasqaataavog erniat allanngorarneranni atorunnaarsitsinermilu atugassarititaasut ima ilusilerneqassasut, taamaalillutik pisassarisat kursiat pissutsit taakku pissutigalugit akiliinermi kurseritinneqartumit annertunerusumik assigiinngissuteqassanatik. Erniat allanneqarsimasut assersuutigalugu aningaasanik niuffannermi pisassarisat aalajangersimasumik ernialersorneqartut erniaasa allanngorarnerat malittaralugu allanngorarpatu isumannaaatorujussuullutillu, kiisalu naleqqussarnerminni piffissami sivikitsuinnarmi kingusi-naartarpata, taava pisassarisat atuuffissaata nalaani taakku kursiat akiliinermi kursimut assingusuusaaq, taamaalillunilu § 14 b-mi taaneqartunut ilaatinneqassanani. Taamaalilluni pisassarisat kursiatu akiliinermi kurseritinneqartumut annertuumik nikingassuteqarnersoq aalangiiviginiarnera erseqqissumik naliliinermik tamatigut tunngaveqartartussaavog.

24. Pisassarisat atuuffimmik nalaani piffissani immikkoortitaartuni assigiinngitsunik amerlassuulinnik erniaqartinneqarnissaminnik siumungaaq isumaqatigiissutigineqareersimasut "knæklån"-inik taaneqarajuttarput. Pisassarisat taakku atuuffianni piffissani assigiinngitsuni tamani erniat amerlassusissaat siumut isumaqatigiissutaareersut pilersitsinermi erniat ikinnerpaaffissaat atuuttoq assigissavaat. Taamaattoqanngippat kursitigut iluanaarutit akileraaruteqaataasussaassaaq.

25. Obligationit allanngortinneqarsinnaasut § 14 b-mi taaneqartunut ilaatinneqassapput obligationi taakku aktianut piginneqataassutinulluunniit allanngortinneqanngikkunik. Obligationit allanngortinneqarsinnaasut aktianut piginneqataassutinulluunniit allanngortinneqarnissartik sioqqullugu tunineqarunik § 14 b-mi taaneqartunut ilaatinneqassapput, tassa erniat minnerpaaffissaannik piumasqaammik eqqortitsinngikkunik. Obligationit siulianni taaneqartutut allanngortinneqarunik obligationit taakku allanngortinneqarsinnaasut § 14 b-mi taaneqartunut ilaatinneqassanngillat.

I. Iluanaarutit ajunaarutillu naatsorneqartarnerat.

26. § 14 b, imm. 4-mi malittarisasat tunngavigalugit imm. 1-imi taaneqarsimasutut iluanaarutit atorunnaarsitsilluni akiliutit pissarsiarinninnermilu akiliutit nikingassutaattut naatsorneqassapput, tasanilu pisassarisanik aningaasannngortitsinermi tunngaviusut malinneqartasallutik.

Pisassarisat aningaasannngortillugit tiguneqarsimasutut isigineqassapput pisassarisap atorunnarsinneqarneranni, tamakkiisumik ilaannakortumilluunniit akilerneqarneranni makineqarneranniluunniit iluanaarutaasimasut paasineqarpat.

Assersuut 2

Akileraartussaataasog obligationinik erniaqanngitsunik 100.000 kr.-nirik nalilinnik pisivoq. Obligationit taakku 1. februar 1995-imi pisiarineqarput, kursialu 85-iulluni, 11. december 1995-imilu

kurs 93 atorlugu tunineqarlutik.

Atorunnaarsinneqarnermini

Nalingat: 100.000 kr. x 93/100 93.000 kr.

Pisinermi nalingat: 100.000 kr. x 85/100 85.000 kr.

Kursitigut iluanaarut akileraaruteqaataasussaq 8.000 kr.

Akiliineq naafferartumik akilersuinikkut pisimappat iluanaarut naatsorneqassaaq, taamaalil-luni naaffeqartumik akiliutinit tamanit procenti 100-mik kurseqartillugit (parikurs) pissarsi-nermut sanilliullugit sippuutaasartunut assigilersillugu.

Asserssuut 3

Akileraartussaataasooq obligationinik erniaqanngitsunik 100.000 kr.-nik nalilinnik kurs 80 atorlugu 1. april 1995-imi pisivoq, taakkulu qaammatit pingasukkaartumik 10.000 kr.-ninik naafferartumik akilersorneqarlutik. 1995-imi isertitat naatsorsorneqarnerinut atatillugu kursi-tigut iluanaarutit makku ilanngullugit naatsorsorneqassaapput:

1995-imi 1. julimi 1. oktoberimilu naafferartumik akiliutit, tamarmik immikkut 10.000 kr.

Akiliutit: 20.000 kr. x 100/100 20.000 kr.

Pisinermi akiliutit: 20.000 kr. x 80/100 16.000 kr.

Kursitigut iluanaarut akileraartuteqaataasussaq 4.000 kr.

Pisassarisat assigiit arlallit piffissani assigiinngitsuni pissarsiarineqarsimappata **FIFO tun-ngavigalugu periaaseq** atuutissaaq, tassa pisassarisat siulliullugit pissarsiarineqarsimasut siulliullutik atorunnaartutut isigineqartarnerat. Periaaseq taanna imatut assersuusiorneqarsin-naavoq:

Asserssuut 4

Akileraartussaataasooq obligationinik 1 mio. kr.-nik nalilinnik kurs 80 atorlugu 1995-imi pi-sivoq. 1996-imi obligationit 500.000 kr.-nik nalillit kurs 90 atorlugu aningaasaateqarfimmi tassani ilisarnaat taanna atorlugu pisiareqqinneqarput. 1995-imi pisiarineqarsimasut toqqor-neqarfiannut kingulliit aamma toqqorneqarput. 1995-imi 1996-imilu makitsisoqanngilaq, taa-maattumillu 1997-ip aallartinnerani obligationit 1,5 mio. kr.-inik nalillit toqqortarineqarlutik.

1997-imi makitsinermi obligationit 200.000 kr.-inik nalillit akilerneqarput. Iluanaarutit imatut naatsorsorneqassapput:

Atorunnaarsitsinermi akiliut: 200.000 kr. x 100/100 200.000 kr.

Pisinermit akiliut 200.000 kr. x 80/100 160.000 kr.

Kursitigut iluanaarut akileraaruteqaataasussaq 40.000 kr.

Naak obligationit makinneqartut ilaat kisitsisitigut naatsorsuinermi 1996-imi pisiarineqartut ilagisimassagaluaaraat, taamaattoq akiliutigineqartut tamarmik obligationinik siulliullugit pisi-arineqarsimasunit pisutut isigineqassapput.

27. Ajunaarutit ilanngaatineqarsinnaanngillat.

28. Tamakkiisumik akileraartussaataitanerup aallartiffiani akileraartussaataitanerulluunniit kipinerani pisassarizat nioqutigineqarnerminni nalingi tunngavigalugit naliliiffigineqassapput (anigaasanik niuffaffimmi nalingi).

Tamakkiisumik akileraartussaataitanerup allartiffiani pisassarizat pissarsiarineqartutut isigineqassapput, pissarsiarineqarneratullu nalingat piffissami tassani anigaasanik niuffaffimmi naligitinneqartut atorneqassallutik.

Tamakkiisumik akileraartussaataitanerup kipinerani pisassarizat taamaatinneqarsimasutut isigineqassapput, taamaatitsillunilu akiliutigineqartut piffissami tamatumani pisassarizat niuffaffimmi nalingattut isigineqassapput.

Pisassarizat anigaasanik niuffaffimmi nalunaarsorneqarsimasuuppat anigaasanik niuffaffimmi nalingat tassaassaaq nalunaarsuisarfimmi naliusutut nalunaarsorlugu allanneqarsimasut kingulliit.

Pisassarizat anigaasanik niuffaffimmi nalunaarsorneqarsimasuutinnagit qanoq naleqassutsumik naliliineq nioqquteqarnermi naligitinnearsimasunik missingiussilluni eqqoriaanikkut pissassaaq.

29. Kursitigut iluanaarutit ajunaarutilluunniit pisassarizat pissarsiarneqarnerminni tunineqarnerminnilu nalingisa nikingassutaattut naatsosorneqartassaaq (pisassarisanik anigaasannorgtitat anigaasatigut nalingat).

Pisassarizat pisiarineqarnerinut/tunineqarnerinut atatillugu niueqatigiinnikkut anigaasartuutit nalingainnaasut, soorlu niueqatigiinnermi akitsuutit sullinneqarnermilu akiliutit pisinermi akiliutinut ialnguneqariarlutik pisassarizat pineqartut tunineqarneranni akiliutaasunit ilanngaatineqassapput.

J. Atortuulersitsinermi ikaarsaariarnermilu aalajangersakkat.

30. Pisassarizat akileraarusersorneqartarnerat pillugu malittarisassat 4. oktober 1994 aallarnerfigalugu atortuulersinneqarput. Tamatuma kingunerisaanik § 14 b pisassrisanut pissarsiarineqareersimasanut tamanut atuuppoq. Inatsisartut siunnersuutip saqqummiunneqarnerata kingorna iluanaarutaasimasut kisimik anigaasarsiat akileraaruteqaataasussat naatsorneqarnerini ilanngullugit naatsorsorneqartussaammata akileraartussaataitaasoq iluanaarutini naatsorsuinermini pisassarizat 4. oktober 1994-imi nioqutigineqarnerminni nalingat, imaluunniit pisinermi akerpiaat amerlanerusimappata taakku nalingi, atorlugit naatsorsuissaaq. Ikaarsaariarnermi malittarisassat imatut takutinneqarsinnaapput:

Assersuut 5

Akileraartartoq 4. oktober 1994-imi obligationinik erniaqanngitsunik 1 mio. kr.-nik nalilinnik toqqortaqrpoq. Obligationit taakku erniaqanngitsut 1. juli 1994-imi kurs 95 atorlugu pisiarineqarsimapput. Obligationit taakku 1. december 1994-imi kurs 100 (parikurs) atorlugu akileraartartoq. Akileraartussaataitaasup 1994-imi nammineeirluni nalunaarsuiffimmik suliarinnerani 4. oktober 1994-ip kingorna iluanaarutaasimasut ilanngullugit naatsorsorneqartussaapput.

Anigaasanik niuffannermik nalunaarsuisarfimmi obligationit taakku 4. oktober 1994-imi 98-imik kurseqartutut nalunaarsorneqarsimapput.

Tunisinermit akit: 1.000.000 kr.

Pisinermit akit: 1.000.000 kr. x 98/100 980.000 kr.

Kursitigut iluanaarutit akileraaruteqaataasussat 20.000 kr.

4. oktober 1994-imi nalunaarsuisarfimmi kursi 95-imit appasinnerusimappat pisinermit akigitinneqartorpiat (kurs 95) kursitigut iluanaarutitik akileraaruteqaataasussanik naatsorsuinermit atorlugit naatsorsuisoqassaaq.